

DRINGEND: Elvis, 17j.



suechet dringänd äs nöiis Daheime mit Freigang odr Garte

Liebe Tierfründ

Du hesch richtig gläse: ig bi scho 17i u trotzdem odr ebe grad drum uf dr Suechi nach eme nöiie Daheime. U zwar nach eme ganz schpezieue. Warum? Mir sy vor eme haubi Johr züglet i e Wohnig im erschte Schtock u itze chan ig nüm usse. Ou wiu dusse ganz bösi Chatze sy, di machet mi richtig färtig, das isch Mobbing! Derbii mach ig doch gar nüt, bi eifach nur da, abr das isch dene scho z'viu. Itze gang i nüm usse, isch abr ou nüt, min Fruscht lass ig izwüsche a mim Gschpänli us. U ig ha aagfange, mängisch innezbisle. Mou, ig weiss, macht mer nid, abr irgendwie muess ig doch säge, dass ig mi so gar nüm woufuehle tue, odr? Itze hei sy iigsäh, dass ig es ruhigs, entschannts Daheime ohni angeri Chatze u mit ere Möglechkeit bruuche zum usse gah. Drum!

Ig bi 17jährig, kaschtriert u gimpft. Ig ha auerdings scho mini erschti Autersbräschte, mini Nieri sy nüm die Beschti, ig bruuche täglich e Tablette, di nehm ig abr ohni z'Murre, cheis Problem, isch ou nid tüür. Ig bi schtuberein, nur ab u zue ebe, dr Fruscht, Du verschtehsch? Das wird sich abr bschtimmt lege, wenn ig zur Rueh chomme tue u wiedr usse cha. Ig bi würklech en ganz en liebr, nöigiirigr u verschmuestr Cherl, ig lieb's zum Biuschpiu i Dim Bettli z'Pfuuse, u ig sueche äs Plätzli aus Einzelprinz in eme ruhige Huushaut ohni Ching u angerii Huustier. Bi nätti Lüüt mit Geduud u Verschtändnis u viu, viu Ziit zum Striichele. U mit dr Glägeheit usse za gah. Bisch Du villiicht pensioniert odr arbeitsch teilziit odr sogar Homeoffice? U hesch Du es Härz für Seniore? Bisch villiicht säubr e Senior? U wohnsch Du ir verchehrsarme u chatzearme Umgäbig odr no bessr: hesch Du en Garte? Min Garte? Garte würd mir scho reiche, ig geh nid wiit, nur so zum Sünnele u Luft schnappe. So viu Wünsch, gäu? Abr das wär's! Denn müeset mir üs unbedingt lehre chenne. Ah ja, derziit wohn ig i Kaisten/AG, aber ig zügler gän zu Dir, wo au immr Du wohnsch. Mäud Di doch bitte ganz gly bi dr Sonja Ball. Sie het sich mir agno u suechet für mi das nöiie Plätzli. Ig fröie mi uf Di!

Din Elvis



Katze sucht Mensch - Mensch sucht Katze

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch